

Irurtzun-Andoain autobidea

Akordioaren alde dago gipuzkoarren erdia IPESen inkesta batek dioenez

EA eta PSOERI kontsentsuarekin bat egitera deitu die Lurraldeak

Gipuzkoako biztanleen erdia baino gehixeago Lurraldea koordinakundeak eta Diputazioak lortutako akordioaren aldekoa da, IPES Elkarteak gaiari buruz egindako inkestak azaltzen duenez. Emaizta hauek ikusita, EA eta PSOERI akordiora batzeko beste deialdia egin die Lurraldeak.

I.E. / DONOSTIA

Gipuzkoako biztanleen erdia baino gehiago (% 54'5), Irurtzun-Andoain autobidearen auzian, Lurraldea koordinakundeak eta Eli Galdos Gipuzkoako diputatu nagusiak lortutako akordioaren alde dago, IPES elkarteak gai honi buruz egindako inkestak erakusten duenez. Datu hau, eta autobidearen arazoan gipuzkoarrek duten iritzia buruzko beste zenbait xehetasun, eman zituzten atzo prentsaurrekoan Lurraldea koordinakundeko ordezkariak, beti ere IPES elkartearen inkestan oinarrituta.

Honela, bost gipuzkoarretatik bat baino gutxiago egongo litzateke lortutako akordioaren aurka (% 18'9), eta laurden batek ez du iritzi jakinik gai honi buruz, Bittor Aierdi Lurraldeko kideak jakin erazi zuenez. Akordioaren alde dauden artean, gazteak dira gehien batean, eta adinak gora egin ahala, irtenbide kontsentsuaren aurkako joerak ere gorantz egiten du.

Emaizta hauek alderdika banatuz gero, EAJ eta HBko botoemak dira akordioaren aldeko jarrera agertzen dutenak, eta aurkako gehien biltzen dituen alderdia EA da. PSOeko botoemak, aldiz, erdibidean egongo lirateke.

Hiru galderetan oinarritutako inkesta honetako bigarrena, akordioa gauzatuko deneko usteari buruzkoa izan da. Zentzu honetan, gipuzkoarren ia erdiak (% 44'6), Lurraldea eta Diputazioaren arteko akordioa bide onetik joango dela uste du. Gipuzkoako sei biztanleetik batek, berriz,

(16'8) ez du sinesten akordioa gauzatuko denik eta heren batek baino gehiagok (38'7) ez dakiela zer gertatu daitekeen aitortu du.

Akordioa gauzatuko dela uste dutenen artean, gehiengo EAJ eta HB alderdien botu emalea da, hau da akordioaren aldekoa, eta PPkoen artean ere uste nagusia irtenbide kontsentsuarekin bide onetik joango denaren aldekoa da. EA eta PSOE alderdietakoak, berriz, banatuta daude jarrera bat eta bestearen artean.

IPES elkartearen hirugarren galdera, akordioa lortzeko bi aldeetatik zeinek eman duen amore gehiago izan da. Emaiztan agertzen denez, gipuzkoarren ia erdiak (% 46'6), bi aldeek neurri berdinean amore eman dutela uste du, herenak baino zerbait gutxiagok (% 31'1), Diputazioak bere aldetik gehiago eman duenaren iritzia du, eta seiren batek (% 17) Lurraldea koordinakundeak.

Diputazioak eman duela amore uste dutenak, EE eta EAren botoemak dira gehienbat, eta adin gutietan berdin banatzen dira. Lurraldeari buruz iritzi bera dutenen artean, berriz, gazteak dira gehien bat, eta HBren botoemak ala oraindik botorik eman ez dutenak.

Lurraldea koordinakundeak, inkesta honi buruz egindako balorazio oso positiboa da Bittor Aierdi koordinakundeko kideak azpimarratu zuenez. Aierdik esandakoen arabera, akordioak gizartearen duen onarpena baieztatzen du inkestak, eta onarpen honetan oinarrituta, EA eta PSOERI akordioan sartzeko deia egin zien.

Azkenik, eta Gobernu berriaren sorrerak akordioa ekar zitzazkeen berritasunei buruz, hau da, A3 uesteko trazaketa berriari buruz, ezer ez zekiela argitu zuen Aierdik, Lurraldearentzako baliozko alternatiba bakarra A4 zela azpimarratuz.

Akordioa aurrera egingo duela uste duzu?

	Guztira	Bai	Ez	Ez daki
Akordioaren alde	54,5	57,3	11,7	31,1
Akordioaren kontra	18,9	34,1	42,1	23,8
Ez daki	26,6	25,9	9,3	64,8
Guztira	100	44,6	16,8	38,7

Nork eman du amore?

	Guztira	Alde	Kontra	Ez daki
Diputazioak	31,7	58,2	29,8	11,9
Lurraldeak	17	63,2	22,3	14,5
Biek berdin	46,6	44,5	11,1	44,3
Ez daki	5,3	75,5	11,7	12,8
Guztira	100	54,5	18,9	26,6

Atzo ezagutzera emandako inkestako beste zenbait datu.



EUDELek zuzendaritza berria hautatu zuen atzo egindako urteroko bileran. ALEX

EAJk bere nagusitasuna indartu du EUDELeko exekutiba berrian

F.I. / GASTEIZ

EUDEL Euskal udalen batzordeak exekutiba berria aukeratu zuen atzo Gasteizen. Hamabost kideetatik bederatzi jeltzaleak dira, lau sozialistak eta bi EAKoak. Aurreko exekutiban EAJk zortzi kide zituen eta EAK hiru. EAJ, PSE-PSOE eta EA izan ziren zerrendak aurkeztu zituzten alderdiak. Lehendakari izan Jose Maria Gonzalez Muskizeko alkateak jarraituko du, lehendakariorde lehena Carlos Pera Barakaldoko alkate sozialista izango da eta bigarrena Jose Gurrutxaga Tolosakoa.

Berrehun eta hamalau udalek osatzen dute EUDEL erakundea, horietatik zortzi nafarrak. Exekutiba berria «orekatuta» dagoela esan zuen Gonzalez lehendakariak, lurralde guztietako ordezkariak bait daude. Exekutiban herri hauetako alkateak daude: Galdakao, Azkoitia, Durango, Elgoibar, Lantaron, Lesaka,

Mungia, Barakaldo, Irun, Abanto, Errenteria, Tolosa eta Amurrio. Hauekin batera Gasteizko zinegotzi bat ere exekutibakoa izango da.

Azken lau urte hauetan burututako lana goraiatu zuen Gonzalez lehendakariak. Bere esanetan, EUDEL erakundea udalen ordezkari gisa finkatu da, EAEko herritarren % 99 ordezkari bait dago. Hala ere, erabakiak hartzen diren tokietan EUDEL-en partaidetza nabariagoa egin dela esan zuen, eta Jaurilaritzak eta Diputazioak aintzat hartu dutela ziurtatu zuen.

Itxaropenak Legebiltzarrak arautuko duen udal legean jarri ditu EUDELek. Lege honek udalek behar duten babesa eskainiko diotela uste du Gonzalezek. Euskara bultzatzeko eta hauteskunde kanpainetan herrien itxura hobetzeko emandako urratsak kontuan izan zituen. Gainera Europako udal elkarteetan parte hartuko du EUDELek.

Hamar lagun atxilotuak Gudari Eguneko ekintzetan Gasteizen

DONOSTIA

Hamar lagun atxilotu zituen Poliziak atzo Gasteizen, 'Gudari Eguna' zela eta KASEk deitutako manifestazioaren ondoren gertatutako istiluetan. Hamar poliziek zauri arinak jasan zituzten gainera, goizaldera arte iraun zuten manifestari eta Poliziaren arteko enfrentamenduen ondorioz.

Atxilotutako hamar lagunak, aurrez esan bezala, 'Gudari Egune'ko ekintzetan parte hartzen ari ziren, eta

Gobernu Zibileko iturrietatik jakin erazi denez, epailearen aurrera iragango dira. KASEk deitutako konzentrazioa berriz, Gasteizko kaleetan barrena ibili zen manifestazioarekin hasi zen, eta Euskal Herriaren independentziaren aldeko oihuak izan ziren bertan nagusi.

Istiluak konzentrazioaren bukaran hasi ziren, eta goizaldeko hirurak arte ez zuten amaierarik izan. Gobernu Zibileko iturrietatik jakin erazi denez, manifestariak kotxe ugari gurtzatu zituzten Gasteizko kaleetan.



UNIVERSIDAD PUBLICA DE NAVARRA
NAFARROAKO UNIBERTSITATE PUBLIKOA

PROGRAMAS DE DOCTORADO. CURSOS 1.991-92

La solicitud de ingreso en un programa de Doctorado de la Universidad Pública de Navarra podrá efectuarse en la Sección de Alumnos de Tercer Ciclo, Campus de Arrosadía, entre los próximos días 1 y 15 de octubre. En dicho lugar se facilitará a los interesados la información pertinente. Los alumnos de Doctorado de segundo año deberán formalizar su matrícula entre los próximos 16 y 22 de octubre.

DOKTORETZA PROGRAMAK. 1.991-92 IKASTURTEA

Nafarroako Unibertsitate Publikoaren Doktoretza Programa batean sartzeko eskabidea, Hirugarren Zikloko Ikasleek Atalean, Arrosadía Campusa, egin ahalko da, urriaren 15era bitarte. Bertan, behar diren argibideak emanen zaizkie interesatuei. Doktoretzako bigarren urteko ikasleek, urriaren 16tik 22ra bitarte egiten dute matrícula.

HERRI-ARDURALARITZAREN
EUSKAL ERAKUNDEA

INSTITUTO VASCO DE
ADMINISTRACION PUBLICA

Euskal Herriko Autonomi Elkarte Administrazioak, Bitarteko funtzionari izendapenez, honako hau behar du:

- MEDIKUNTZAKO LIZENTZIATUA. OSASUN-IKUSKARITZA ARLOKO ARDURADUNA (GIPUZKOA).
- 2 MEDIKUNTZAKO LIZENTZIATU. OSASUN-IKUSKARITZA ARLOKO ARDURADUNAK (BIZKAIA).
- 3 O.T.L. BISITARIAK.

Eskari-orriak eta bestelako informazioa lortzeko helbideak:

H.A.E.E.ren egoitza. Gasteiz. Adriano VI, 20-5
H.A.E.E.ren egoitza. Bilbo. Alameda Rekalde, 18-1.
H.A.E.E.ren egoitza. Donostia. Iztueta kalea, 7
H.A.E.E.ren egoitza. Oñati. Unibertsitate Zaharra.

Eskariak aurkezteko azken eguna: Urriaren 4ean, ostirala.